

Headline	Kembara seni Jins Shamsudin di TV1		
MediaTitle	Berita Harian		
Date	23 Jun 2014	Language	Malay
Circulation	314,000	Readership	942,000
Section	Hip	Color	Full Color
Page No	11	ArticleSize	174 cm ²
AdValue	RM 5,998	PR Value	RM 17,994



Kembara seni Jins Shamsudin di TV1

Dunia hiburan tempatan tidak mungkin dapat melupakan jasa ikon industri perfileman, Tan Sri Dr Jins Shamsuddin.

Bagi mengenang sumbangan tak ternilai seniman itu, TV1 menyiarkan dokumentari lima episod istimewa berjudul *Jins Shamsuddin : Kembara Seorang Seniman* pada setiap Ahad jam 10.05 malam, mulai 8 Jun lalu.

Siapa mampu menafikan kredibiliti Jins yang juga bekas senator ini ketika lantang menyuarakan idea membangunkan industri perfileman negara pada zaman kejatuhannya. Banyak babak menarik yang membongkar sisi berbeza, keperibadian dan perjuangan Jins dikongsi melalui dokumentari istimewa itu.

Melalui pendedahan ini, peminat pelakon, pengarah dan tokoh seni kebanggaan negara ini dapat mengenali dengan lebih dekat aktor yang sinonim dengan watak ejen perisik Jefri Zain ini.

Kembara Seorang Seniman juga mengupas perjalanan kisah Jins yang terkenal dengan

sikap tegas, tinggi integriti serta disiplin diri yang mantap.

Anak kongsi aspirasi

Apa yang menarik, dokumentari ini turut menyiarkan temu bual bersama anak Jins, Putera Hang Nadim yang berkongsi bagaimana beliau memperoleh inspirasi sebagai waris pejuang filem Melayu.

Semangat Jins dalam memartabatkan industri filem Malaysia dan karakter ketika dilantik Yang Dipertua Kesatuan Pekerja di Jalan Ampas, turut dikongsi bersama peminat.

Jins pernah melanjutkan pengajiannya dalam bidang perfileman di London Film School selama tiga tahun pada tahun 1970 dan menerima diploma dengan kelas pertama. Pada tahun 1999, Jins menerima Ijazah Kehormat Sarjana Persuratan daripada Universiti Sains Malaysia (USM). Pada tahun 2010, Jins menerima Ijazah doktor falsafah (PhD) daripada Universiti Utara Malaysia (UUM) sempena konvokesyen ke-23.

Jins banyak menghasilkan filem bermutu yang meraih pelbagai anugerah seperti *Bukit Kepong* pada tahun 1982, *Menanti Hari Esok* (1977), *Esok Masih Ada* (1979), *Tiada Esok Bagimu* (1979) dan *Esok Untuk Siapa* (1982).

Headline	Kembara seni Jins Shamsudin di TV1		
MediaTitle	Berita Harian		
Date	23 Jun 2014	Language	Malay
Circulation	314,000	Readership	942,000
Section	Hip	Color	Full Color
Page No	11	ArticleSize	174 cm ²
AdValue	RM 5,998	PR Value	RM 17,994

